

La nova lescha da linguatgs sin buna via

Ils chantuns, las partidas politicas e passa 60 organisaziuns han prì posizion davart la nova lescha federala per las linguas naziunalas

CUN CONSTANTIN PITSCHE
HA DISCURRÌ LUCAS DEPLAZES /ANR

■ (anr/ld). Ils 16 d'octobre ha il cussigl federal prendi enconuschienschda dals resultats da la procedura da consultaziun concernent la nova lescha da las linguas ed incumbeñà il Dipartament federal da l'intern da preparar il messadi per mauns dal parlament. Tut ils chantuns, las partidas politicas e passa 60 organisaziuns ed instituziuns han gî la chaschun da prender posizion davart la nova lescha federala per las linguas naziunalas (LLing). Il sboz preliminar è vegni recepi en general positivamain. Da vart dals chantuns n'è betg contestada la necessitat da crear ina basa legala per promover las linguas naziunalas. Las partidas politicas dentant s'han exprimidas differenziadament. Cun l'excepziun da la Partida popula-ra svizra, che na vesa insumma nagin basegn da reglementar en materia, beneventan las autres partidas en general la nova lescha. Plainamain vegn la lescha beneventada da singulas vischancas, da las Corporaziuns svizras da vischancas e citads sco era d'organisaziuns ed instituziuns na statalas.

L'an ha vuli savair da Constantin Pitsch, dal servetsch per las cuminanzas linguisticas e culturalas tar l'Uffizi federal da cultura, pli detagliadament, tge che la nova lescha muntia per la Confederaziun en general e per la Rumantschia en spezial.

Ils blers chantuns n'hant betg spetgà cun brama il nov sboz davart la lescha federala da las linguas naziunalas. Han intgins chantuns tema che la Confederaziun veglia sa maschadar en lur fatgs da scolaziun e da cultura?

Constantin Pitsch: Ins sto vesair la situaziun dada. Ina politica da linguas federala na vegn betg promovida activamain dals singuls chantuns. La promozion da l'enconuschienschda da las linguas sin tut ils stgalims da scola stat en la cumpetenza dals chantuns. Schizunt il sectur da la scolaziun professiunala è per part chaussa dals chantuns. Lezs mettan era a disposiziun ils medis d'instrucziun. La Confederaziun ha cunzunt ina rolla subsidiara, ella gida ils chantuns. Da quai resultan las difficultads per applitgar las cumpetenzas parallelas, fixadas en la constituziun federala. Ils chantuns fan quai che stat en lur cumpetenzas. En quest senn vulan els era decider sezs, a tgeininas linguas ch'els dattan la prioritad en l'instrucziun. Blers prefereschan l'engla. Ils chantuns plurilings èn plitos disposts a promover la bi- u la plurilinguitad e cun quai las linguas naziunalas. La Confederaziun nun ha naginas pussaivladas da sfurzar il chantuns.

La promozion da las linguas è chaussa dals chantuns

La posizion dals chantuns en il rom da la consultaziun reflecta damai ressalvas politicas ma era finanziyalas, perquai ch'in sustegn finanziyal da vart da la Confederaziun vegn ad esser limità tenor la lescha da subvenziuns a 50 pertschient dals custs da singulas mesiras. Ils chantuns stuessan er contribuir sezs l'autra mesadad.

Tgeninas èn propi las finamirias da



Constantin Pitsch dal servetsch per las cuminanzas linguisticas e culturalas tar l'Uffizi federal da cultura s'occupa cun la preparaziun da la nova lescha.

FOTO L. DEPLAZES

la nova lescha da las linguas naziunalas e la chapientsha tranter las cuminanzas linguisticas?

La finamira generala è da promover la quadrilinguitad en Svizra. Perquai vul ins schlargin las pussaivladadas da la Confederaziun da sustegnair e da promover las linguas naziunalas. Quai po esser il cas sin ils divers livels dal stadi, sin il livel federal cun las linguas uffizialas, sin il livel chantunal surtut cun promover l'instrucziun linguistica dals linguatgs chantunals. La dumonda è averta, co che quai capita. Intginas mesiras èn definidas claramain, outras main concret. La basa furman las differentas mesiras da sustegn, purschidas da nov da la Confederaziun. Il Chantun Tessin e cunzunt il Chantun Grischun duain pudair profitar pli ferm ch'ils auters dal sustegn finanziyal.

Cun questa lescha da linguas duai l'incumbeña da la constituziun vegnir realisada. La dumonda è con lunsch ch'ins po ir davart il sustegn concret. Quai è en emprima lingua ina dumonda politica, ina dumonda finanziyal.

En tge secturs metta la nova lescha ils accents? Tge midadas datti en cumparegaziun cun la lescha da linguas vertenta?

In emprim accent vegn mess sin las linguas uffizialas. In segund èn las mesiras per promover la chapientsha vicendaiva e per realizar il barat tranter las cuminanzas linguisticas, damai mesiras per rinforzar la conuschienschda da las linguas naziunalas. Plinavant duai la Confederaziun pudair sustegnair ils chantuns plurilings tar la promozion da lur linguas chantunals sin il plaun da l'administraziun e da l'instrucziun da las linguas en las scolas. In ulterior accent èn las mesiras specificas per il Grischun ed il Tessin.

L'agid actual da la Confederaziun al Chantun Grischun mutta a radund 4.5 milliuns francs. Da quel vegnan cunzunt sustegnid las organisaziuns: Lia Rumantscha, Pro Grigioni italiano e Agentura da Novitads Rumantscha (anr). Las organisaziuns sezzas ston far las dumondas da sustegn al

Chantun Grischun, perquai ch'el sustegn ensemens cun la Confederaziun las organisaziuns menziunadas.

Sin tge secturs vegniss il rumantsch sustegnì concretamain?

Situaziun speziala per il sulet chantun triling

En emprima lingua vul la nova lescha - e quai per l'emprima giada - promover tuttas quatter cuminanzas linguisticas. Quai che pertutga specificamain il rumantsch sa tracti da reglar da nov il sustegn da la Confederaziun al Chantun Grischun che sa chatta sco sulet chantun triling en ina situaziun speziala.

Co vesi or cun l'institut scientific per promover la plurilinguitad. Divers chantuns e citads han annunzià lur interest. Ha il Grischun ina schanza sin fundament dal resultat da la procedura da consultaziun?

Quest institut sto en mintga cas servir a tut las quatter linguas naziunalas. El sto pia corrispondre als divers basegn che vegnan formulads dals chantuns a questa instituziun, cunzunt basegn da perscrutaziuns scientificas. Quai na sto betg esser ina nova chasa cun personas che lavuran per sasezzas. Questa instituziun po far part d'ina universitat existenta che garantescha la cumpetenza scientifica. La dumonda dal lieu da domicili da l'instituziun è perquai secundara. Tenor la gruppera paritetica che ha preparà la LLing vegn l'instituziun liada ad ina, forsa pliras universitads. Decis vegn probablamente sin fundament dal resultat d'ina concurrence publica. Fin uss na datti insumma naginas decisioins politicas davart questa instituziun. Ella n'è dentant betg contestada en il rom da la consultaziun.

Pon ils Rumantschs s'adressar en lur idiom a la Confederaziun, u

La constituziun pretenda era che la Confederaziun ed ils chantuns promovian la comunicaziun ed il barat tranter las cuminanzas linguisticas. Datti già mesiras concretas per realisar quest'incumbensa?

La lescha da linguas definescha il rom per in tal sostegn. Il barat sez vegn effectuà cunzunt tras ils chantuns. La «Fundazion CH» per la collauraziun confederala surpiglia la rolla da coordinaziun tranter ils chantuns. Ella vegn a preschentiar a la Confederaziun in concept detaglià per il futur, elavurà ensemens cun ils Directurs chantunals da l'instrucziun publica.

In ulterior problem è da garantir als Rumantschs la matura bilingua cun il rumantsch sco rom da matura. Tge sustegniment pudessi dar da vart da la Confederaziun?

Il Chantun Grischun ha la pussaivlidad da dumandar a la Confederaziun sostegn per ina tala mesira sut il titel «d'agid als chantuns plurilings».

Il Grischun ed il Tessin duain pudair profitar pli ferm

Tenor il sboz da la lescha po la Confederaziun sostegnair mesiras per mantegnair e per promover la pressa rumantscha. Tge mesiras concretas fissan previsas?

Quellas mesiras èn già integradas en la lescha vertenta dal 1995 per il sustegn als chantuns Grischun e Tessin. Il sustegn a la pressa rumantscha sa concentrescha oz dal tuttafat sin l'Agentura da Novitads Rumantscha (anr). Sche la situaziun da la pressa rumantscha sa mida pon ins era responder las mesiras da sustegn. Propostas concretas ston vegnir fatgas en il Grischun e vegnir suttamessas al Chantun Grischun ed a la Confederaziun.

Co vai uss vinavant cun quest sboz preliminar? Datti termins concrets cur che la nova lescha pudess entrar en vigur?

Diversas dumondas ston anc vegnir scleridas cun ils chantuns e cun las instituziuns involvadas. Sin basa dals resultats preparain nus il messadi per mauns dal parlament. En mintga cas vulain nus preschentiar al Cussegli federal il project da lescha durant l'onn 2003. Suenter seguia la debatta parlamentara. La lescha vegn strusch ad entrar en vigur avant il 2005.

S'adressar en l'agen idiom a la confederaziun

Ils Rumantschs represchentan ca. 0,5 pertschient dal personal federal. En il rom da scolaziun dal personal ha la Confederaziun già purschì curs en rumantsch grischun. Oz è la dumonda per tals curs fitg limitada. Per la translaziun en rumantsch collaura la Confederaziun cun il servetsch da translaziun da la Chanzlia chantunala grischuna. Cun la nova lescha da linguas duai la Chanzlia federala era disponer d'in servetsch cun las cumpetenzas linguisticas rumantschas necessarias. L'emprim ston ins dentant definir il rom da l'applicaziun dal rumantsch. Personas che fan las translaziuns na ston betg en mintga cas esser a Berna.